

هنه لکی در سعادت ایچون مجیده
یکرمی غروش حسابیه التمش
غروشدر

طشمره ایچون بوسته اجرئی اوله رق
اون بش غروش ضم اولتور

نسخه سی ۴۰ پاره در

تجدیدیه

آبونه اولق ایستینلر دائره عدلیه ده
اداره مخصوصه سنه مراجعت
ایملدر

اعلاناک بهرندن بر مجیده اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه به متعلقدر

تجربیات

اسکدار بدایت محکمه سی اجرا مأموری
در سعادت تجارت محکمه سی اجرا دائره سی باش معاونی
سعادتلو محمد علی بکه تفویض بیورلش ومومی الیه
ذاتاً مخالف بولمشدر.

محاکمات

احمد عثمانک زوجه سی حلومی قتل ایلدیکی ادعا
اولمسنندن دولای جنایتله اتهام اولنان مسعود بن
علی عثمانک اون بش سنه مدته کورکه قونلشنه دائر
طرابلس شام سنجاغی بدایت محکمه سی جزا دائره.
سندن وریلان ۵۲۲ نومرولی اعلام

بیروت اهالیسنندن عمر رمزی بی قتل ایلدیکی
ادعا اولمسنندن دولای جنایتله اتهام اولنان متری
ولد قسطنطینک اون بش سنه مدته کورکه قونلشنه
دایر بیروت ولایتی استیناف محکمه سی جزا دائره سندن
اعطا قلنان ۴۷۰ نومرولی اعلام

یلان یره شهادت ایلدیکی ادعا سندن دولای
جنایتله اتهام اولنان قیدی بنت ابراهیمک اوج سنه
مدته کورکه قونلشنه دائر دیاربکر ولایتی استیناف
محکمه سی جزا دائره سندن اعطا قلنان ۱۰۲ نومرولی
اعلام

نعمان زوبرک کیفیت قتلندن دولای جنایتله اتهام
اولنان یوسف بن صالحک اون بش سنه مدته کورکه
قونلشنه دائر پرشته سنجاغی بدایت محکمه سی جزا
دائره سندن وریلان ۳۰۵ نومرولی اعلام

عیاق چلویش اوغلی خلیک ماده قتلندن دولای
جنایتله اتهام اولنان عبدینک اون بش و رفیق
سلیمانک دخی بش سنه مدته کورکه قونلشنه دائر
قره حصار صاحب سنجاغی بدایت محکمه سی جزا
دائره سندن اعطا قلنان ۸۵ نومرولی اعلام
محمد علی وحاجی حسین اوغلی عثمانک تسمیلرینه

تصدی ایلدیکی ادعا اولمسنندن دولای جنایتله اتهام
اولنان ایوب بن محمد علینک اوج سنه مدته کورکه
قونلشنه دائر اطفول سنجاغی بدایت محکمه سی
جزا دائره سندن اعطا قلنان ۴۴ نومرولی اعلام
همین اوغلی حسن قتل ایلدیکی ادعا اولمسنندن
دولای جنایتله اتهام اولنان امور خانک اون بش سنه
مدته کورکه قونلشنه دائر سیواس ولایتی استیناف
محکمه سی جزا دائره سندن اعطا قلنان ۳۳ نومرولی
اعلام

قائم برادری باتقو ورفقاسی قتل قصدیه جرح
ایلدیکی ادعا اولمسنندن دولای جنایتله اتهام اولنان
قیوجی اوغلی میخائل ولد نیقولنک درت سنه مدته
کورکه قونلشنه دائر قرق کلیسا سنجاغی بدایت
محکمه سی جزا دائره سندن اعطا قلنان ۱۵۱ نومرولی
اعلام محکمه تمیز جزا دائره سنجه تصدیق قونلشنه.

در سعادت جنایت محکمه سندن اعطا قلنان

اعلامدر:

یارم برغوس مرعاسندن قیونجی طناشک یوزاللی
رأس طوارینی مجهول الاحوال رفقاسیله مسلحاً
غصب ایلدیکی ادعا سیله مظنون علیه اولان اونوزدرت
باشنده یانیه ولایتک پرمدی قضای اهالیسنندن اولوب
داود باشاده ابراهیم بکک ماندره سنده چوبانلق ایدن
صادق بن عطاءاللهک جنایتله اتهامنه دائره هیئت اتهامیه دن
تنظیم قلنان مضبطه ایله استیناف مدعی عمومیلکنک
۲۶ کانون نانی سنه ۳۲۰ تاریخی اتهامنامه سی اوراق
مترعاه سیله معاً محکمه جنایتله تودیع قونلشنه بالمطالعه
تفصیلاتی اولباده طوتیلان ضبطنامه دن مستبان اوله.
جنی اوزره اصول محاکمات جزایه قانوننک باب
تانیسنک فصل رابعنده محرر اولان معاملات ابتدایه
بعد الایضا مرقوم صادق اجرای محاکمه سیچون
تعیین قلنان اوچیزیکرمی سنه سی شباطنک اون بشنجی
کونی مرقوم علی الاصول توقیفخانه دن کتوردیلرک
وکیلی حسن سنایا افندی واستیناف مدعی عمومیلکی

معاونلرندن عزتلو صادق بک ایله مدعی شخصی طناش
حاضر اولدقلری حالده محاکمه علیه اجراسنه بالابتدار
هیئت اتهامیه مضبطه سیله اتهامنامه ضبط کانی صدق
افندی جانبندن قرائت اولندی.

مذکور مضبطه ده مظنون علیه صادقک مجهول.
الاحوال رفقاسیله مسلحاً قیونجی طناشک یوزاللی
رأس طوارینی غصب ایلمش اولمسنندن دولای اتهامنه
اوراق تحقیقه ده محرر اقرارینه انضمام ایدن سائر
دلائل و امارات کافی کورلش وحرکتی قانون جزانک
ایکی یوز اون طقوزنجی ماده سی حکمنی مستلزم افعال
جنایتیه دن بولنش اولدیغندن جنایتله اتهامنه قرار
ویرلدیکی محرر و اتهامنامه ده دخی مرقومک اولوجهله
متهم اولدی مسطر در.

اتهامنامه نک خلاصه سی جانب ریاستندن متهم مر.
قومه قهیم و انبا و معاون مومی الیه جانبندن دخی
تشریح دعوی اولمسنی معقب متهم صادق سولتدر.
لدکه مدعی طناشک طوارینی غصب ایتمدیکنی
وغصب ایتمدیکنی و غصب ایتمدیکنی و غصب ایتمدیکنی
مرقومک ذمتنده اولان آله جفی طلب ایتمدیکنندن
طولای کندوسنه اشبو جرمی اسناد ایتمش اولدیغنی
سویلدی.

مدعی طناشندن صورت جریان وقعه صورلدقه
یوز اون غروش آیلقله تزدنده چوبانلق ایدن متهم
صادقک برکون آرتق طورمه جفندن بختله حسابنک
قطعی طلبنده بولمسیله بالرؤیه بشیوزیکرمی غروشندن
عبارت کوریلان مطلوبنک بر قسمنی تأدی ایدرک
متباقیسنک دخی ایرتسی کونی کویه عزیمتله کتوروب
ویره جکنی سولمسنندن مرقوم حدتلنرک وکندوسنه
عاند اولان چفته تفکنی بر تقریب آله رق چیقوب
کیندیکنی و مبالغ متباقیه بی تکرار همشهریمی شعبان
نامنده بریمی واسطه سیله طلب ایتمش ایسه ده تفکنی
اعاده ایتمدکجه پاره سنی ویره میه جکی جوابی ویردیکنی
وبرقاج کون صکره یعنی اغستوسک اون بشنجی بازار
کیجه سی اوج ارقداشیله مسلحاً مرعایه کلوب چوبانی
خرستونک رعی ایتمدیکی یوزاللی قیونجی غصب ایتمه

کلیه خبر آلهرق تحریری به بلاذرقده مذکور قیونلرک طقسان بش عددنی مترس جفتلکندنه قالی بولوب آلهقرلی کی قرق اوج عددنی دخی برکون صکره ترشی دره نام محله بولوب آلهقرنی ویا لکز اون ایکی رأس حیوانک ضایع اولمش اولدینقی وغصبک کیجه ساعت ایکی راده لرند و قوعبولدینقی افاده ایلدی .

مهم صادق ادعای واقعی قبول ایتمه چکی جوابنده بولندی .

علی هذا ضابطه عدلیه تقریری ایله مهمسک مستطقلکدهکی افاده مضبوطهسی اوقوتدیرلدی .

۲۷ اغستوس سنه ۳۲۰ تاریخلی اولان تقریرده شهر مذکورک بکرمی بدینچی جمعه کونی علی یک قریهسی جوارنده ماندره جی محرمک ماندره سنده مجهول بر شصک اختفا ایتدیکی خبر آلهرق محل مذکورده بالعمزیه اجرا قلنان تحریکده بر شصک ماندره دروننده باقمده اولدینقی کوریلوب دردست ایدلسیله و اوزرند بر عدد قیرمه چفته تفکیکی و یحیای ظهور ایتسیله استجوابنده داود پاشاده ابراهیم بکک ماندره سنده جویان اولوب یوم مذکورده اورادن جیقوب اشبو ماندریه کلدیکنی و صاحبی طاییز ایسهده ماندره قیونسک اناختارنی بولهرق قیوی آجوب دروننه بالذخول برارچه اتمک آلب اکل ایتدیکی و او بولدینقی واسمنک حسن اولدینقی سولیش و مؤخرأ مرور و نفوس تذکره لری ابراز ایله اسمک صادق ایدوکنی و چفته تفکک کندوسنک اولدینقی بیسان ایش اولدینقندن مرقومک حال و قالدن شبه ایدیلرک تعمیق تحقیقات اولدقدنه چند کون مقدم یارم برغوسده طناش چور باجیده اولان آله جفتی آله مدیقندن رفیق مرأت نامنده برسیله مرقوم طناش یوزاللی عدد قیونی سرقتله ترشی درده مندس و محرمک ماندره لرند صاقلایوب مؤخرأ طقسان بش عددنی اتی ابرا آلهرق اعاده ایش و سکر اون عددی تلف اولوب متبایسنی دخی صالیورمش ایدوکنی و مرقوم مرأتک شمعی زده بولندینقی بیله مدیکنی سولیش اولدینقی اشعار قلنمش و استظافاهده دخی مهمک طناشده اولان اون بش لیرا آله جفتی مملکتده کیده جکندن یخله اوج دغه طلب ایتدیکی حالد آله مد یقندن بلا نمازعه چکیلوب کیتدیکی و طاشیدینقی چفته تفکیکی مرقومک زدننده بر اقدینقی و بالا خره علی یک کونی جوارنده محرمک تهی بولان ماندره سنه کیدوب یاتدینقی اشاده دردست اولوب ماندره بولدقاری چفته تفکیکی کندوسنک ظنیه آلهقرلی و همشهریسی شعبان کپا واسطه سیله دخی مرقوم طناشدن یاردهنی ایسته مش ایسهده مرقومک بورجی اولدینقی جویانی و بریدیکی و مرقوم طناشک قیونلرک چالندینقی

ایشتمش ایسهده کندوسی چالندینقی و بولیسده اقرار ایتدیکی سولیدیکی مندرج بولنشدر .

قرائت اولان تقریر مندرجانه نه ده چکی منهدن سورلدقدنه انانی دردستنده کندوسی اسمک طوغر یسنی سولیدیکی و اصلا اختفا ایتدیکی جوابنده بولندی .

مدعی همومیک جانندن معنی بولیده اسامیسی محرم اولوب دعوت واقعه اتباعاً ورود ایتدیکی خبر و بریلان شاهدلر برر برر حضور محکمه یه چقا ریهرق عندالسؤال طرفینه برکونه قرابت و مانع شهادت اوله جق مرتبه مناسبت و خصوصتاری اولدینقی اکلا شلمهله اصولاً تحلیفاری بعد الاجرا منفرداً و مواجه استماع اولندقلرند بولردن صفره کوبنده مقیم یانیله طناشک جویانی اولدینقی و یوز قرق غروش آلبی بولندینقی سولیان الی یا شنده یانیله خستو ولد یانی بر بازار کبجهسی ساعت ایکی یجق راده لرند مهم صادق طاییه مدینقی اوج رفیقیه مرهابه کلوب قیونلری طویلا یهرق سورمه ک باشلا دقلرند یا یه یک دیو واقع اولان ثماننی اوزرینه مرقوم وندن ایکسی قوللری طوتوب مهم ایله دیکر رفیق قیونلری بالاخذ کوتوردکلری و کندوسی طوتانلرک یحیای و رورولری وار ایسهده صاقین قلدانیه دیو واقع اولان تنه لرینه انقید ایلدیکندن برشی یامدقلری یعنی شدت کوستر مدکلری و ظلمت لیلدن ناشی قوللری طوتان ایکی آدمی تشخیص ایدمه مدیکنی مضبوط افادهسی وجهله اخبار و سوری نی تماماً کلبیره و ارنجیه قدر سوروب کوتوردکلری و دیدیکی صادق حاضر بولسان مهم اولدینقی علاوه کفتار ایلدی .

مهم صادق کرچه اثبات ایده من ایسهده بوشاهد ایله بر قراج دغه غوغا ایتدیکی و محکمه یه کیتمه کلری و بناء علیه شهادتی قبول ایدمه چکی یاد وشاهد مرقوم دخی غوغا ک اصلی اولدینقی جواباً ابراد ایلدیلر یارم برغوسده بو ستانچی اولدینقی سولیان قرق ایکی یا شنده معاقره لی خستو ولد نیقولی خاطر لیه مدینی برکون مهم صادق مدعی طناشک زدننده اهشکاک ایدمه چکی صرده مرقوم طناشک چفته تفکیکی آلب کیتدیکی کورمش و بش اون کون صکرده بر صبا ح جویان خستونک یارم برغوسه کله رک مهم صادق او کیجه طاشیدینقی اوج کشی ایله کلوب قیونلری آلهرق کوتوردکلری سولیدیکی ایشتمش اولدینقی مضبوط افادهسی وجهله حکایه و دیدیکی صادق حاضر بولان مهم اولدینقی دخی افاده سنه علاوه ایتدی .

مهم سبب بیان ایتمه رک قبول ایتمه چکی جوابنده بولدی .

لیتروس جفتلکندنه کامل بکک زدننده قوریچی

الی یا شنده ماطلی محمد اغا بن عثمان خاطر لیه مدینی برکون صبا حلین مرعانی طولاشیر ایکن مصرلرک اینجده چوبانلر ایکی کچی و طقسان اوج قیون بولوب چفتلک کوتورده رک آخوده قادینی و بر قراج ساعت مرورنده مدعی طناش کسلیله مذکور کچی و قیونلری مرقوم طناشه تسلیم ایتدیکی افاده مضبوطهسی وجهله بیسان و عندالسؤال قیونلرک یا شنده کسسه بولندینقی و مرقوم طناشک قریهسی چفتلک اوج ساعت قدر مسافده بولندینقی و قیونلرک تمغاسی اولدینقی بیلمدیکنی علاوه اتیان ایلدی .

ادعا شاهدلرندن رفعت گلانش و مرقومه قانونک تعریفی دائره سنده تبلیغات اجرا ایلدیکی اکلا شیله مامش اولدینقندن معاون موسی الهیک طلی وجهله مرقومک یکیدن جلبنه قرار و بریلرک و اظهار حقه مدار اولق اوزره پولیس قومیسری مصطفی اقدینک دخی حلی جانب ریاستندن تسلیب قلنهرق ایشک شهر شباتک بکرمی التنجی کونس براغلدینقی جانب ریاستندن بیله بریلرک یوم مذکورده مهم مرقوم علی الاصول توقیفخانه دن کوتورده رک و وکیل و معاون موسی الهمایله مدعی مرقوم حاضر اولدقاری حالد محاکمه سالونه چقیهرق محاکمه علنییه دوام ایله هیئتجه قسماً تبدل و قوعه منی ضبط سابق بعد القرائه مندرجانی طرفندن تصدیق ایلدی .

اظهار حق شهادی اولوب کلش اولان سلحدار اغا مسیره سنده اقامتله محل مذکور پولیس قومیسری اولدینقی سولیان قرق بش یا شنده اخویلی مصطفی اقدی ابن ابراهیم حضور محکمه یه چقا ریهرق طرفنه برکونه قرابت و مناسبت و خصوصتی اولدینقی عند السؤل سولیکله اخطارات لازمه قانونیه بعد الاقا بلا حلف استماع ایلدکه طناشک قیونلری سرقت ایلدیکی و جوار ماندره لرند بریسنده بر یانچی شصک بولندینقی خبر آلمش اولدینقندن کیدوب محرمک ماندره سنده مهمک یا قمده اولدینقی کورمسیله مرقومی قالدروب عندالسؤال اسمک حسن اولدینقی و بعد نفوس و مرورتد کره لری بالا براز اسمک صادق ایدوکنی و مقدما ابراهیمک زدننده جویان اولوب شمعی محرمک یا شنده چالندینقی سولیسندن و چانظه سنده ارناوود البهسی اولوب صر تنده ستره و بانظا لون کینمش اولسندن و یا شنده قیرمه چفته بولنسندن شبه لرک تعمیق تحقیقات ایتدیکنده اولاً فعل سرقتی انکار ایش ایسهده بالا خره جویان طناشده اولان آله جفتک برینه قیونلری آلهقرنی و اولوقت رفاقنده مرأت و مهدی اسمنده اقامتکلری بیله مدیکنی کسنه لر اولدینقی مرقومک طایعاً اعتراف و اقرار ایتد

یکنی و دیدیکی شصک حاضر بولان مهم صادق اولدینقی سولیدی .

عندالسؤال مهم مرقوم بوشاهدک بلا سبب کندوسی استجواب ایتدیکندن شهادتی قبول ایده میه چکی جوابنده بولندی .

حقوق عمومیه شاهدلرندن برمدیل رفعت بن سلیمانک ترشی درده ابراهیمک باقمه سنده کوستر بلان اقامتکلندن چقدینقی و شمعی زده بولندینقی غیر معلوم ایدوکنی بولنه میه جی شاهد موسی الیه طرفندن بیان ایلدکه و معاون موسی الیه مرقوم رفتک افاده مضبوطه سنک قراحتی طلبنده بولنقه اوقوتدیرلقدنه تحقیقات اولیه اوراقنده محرم اولدینقی وجهله مهدینک ماندره سنده اوج درت یانچی یانیله آدم کوردیکی وقیون سرقت ایدن بولر اوله جفته دائر معلومات و بریدیکی خصوصاتندن عبارت ایدوکنی منظم اولدی .

مهم مرقوم کندوسی یانچی شخصلرندن اولدینقی جوابنده بولندی .

(بقیه سی کله جک نسخه یه)

المایا دولتی نیمه سندن زولبوسی ضرب ایلدیکی ثابت اوله میان محمدک برانته

طاهر اقدینک نعمان اقدی نی ضرب ایلدیکی ثابت اوله مدیقندن برانته

یورکینک میکنی ضرب و جرح ایلدیکی ثابت اوله مدیقندن برانته

چلبون اقدینک موئزه اطاله لسان ایلدیکی ثابت اوله مدیقندن برانته

یکدیگری ضرب ایلدکاری ثابت اوله میان شمس الدین اقدی ایله قوچونک برانته

قسطنک ژاکی ضرب ایتدیکی ثابت اوله مدیقندن برانته

عمرک دیکر عمری دولاندیردینقی اصولاً ثابت اوله مدیقندن برانته

مانول واستفانک طناشک خانه سی جاملری شکست ایله ایراث خسار ایلدیکی ثابت اوله مدیقندن برانته

توفلونک عمری ضرب ایلدیکی ثابت اوله مدیقندن برانته

ماردیک ایله واطانکک ممنوع غزنه لری بیله رک آلهقرلی ثابت اوله مدیقندن برانته

سوریک ایله و برزنک خانه لرند ظهور ایدن اوراقک مضر اولدقاری بیله رک حفظ ایتدیگری اکلا شیه مدیقندن برانته

لامبونی جرح ایدن یورکینک بکرمی کون حبسنه

لئونیده نک خلاف تنیه اوزرنده سلاح طاشیدینقی اصولاً ثابت اولدینقندن بش بشکک جزای تقدی اخذینه

خرانت ایله طناشک یکدیگری ضرب ایتدیگری اصولاً ثابت اولدینقندن برهفته حبس لرینه

ماری یه اطاله لسان ایدن پیری پاشاده ساکن میرکون ساکنلرندن مصطفی اقدینک مرور تذکره سی آلمسزین سیاحت ایتدیکی ثابت اولدینقندن بش بشکک جزای تقدی آلمسنه

غازینو جی یانی یی ضرب ایدن سینم کوبنده ساکن رامینک برهفته حبسنه

خره لمبونی جرح ایدن قاسم باشالی واسیلک صفر سی حبسیله و لیسنه تسلیمه

نشست و علی یی ضرب ایدن قاسم باشالی علیدن ایکی اتون الیهرق و ضروریه اعطاسنه

حسن اغای ضرب ایدن یک اوغلنده ساکن کسایچی یانی ایله چراغی یورداندن بر لیرا الیهرق و ضروریه اعطاسنه

یورغانچی خیری اقدی نی ضرب ایدن یورغانچی قالفه سی محمد علینک اون کون حبسنه

یکدیگری ضرب و جرح ایتدیگری ثابت اولان آراهچی حسین بن محمدک اون بش و دیکر حسین بن بکرک دخی برهفته مدتلره حبس لرینه

عثمانه اطاله لسان ایدن خدیجندن یارم لیرا جزای تقدی آلمسنه

رفتک قاطمه خانه تشهر سلاح ایلدیکی ثابت اولدینقندن اون کون حبسنه

خلاف تنیه اوزرنده سلاح طاشیدینقی ثابت اولان مینادن بش بشکک جزای تقدی آلمسنه

نعم اقدینک بقال آندونه تشهر سلاح و اموالنه ایراث خسار ایلدیکی ثابت اولدینقندن برماه حبسنه

قولجی عثمان نام دیکر الماسک پولیس عبد الباقی اقدی یه حقارت ایلدیکی ثابت اولدینقندن ایکی لیرا جزای تقدی آلمسنه

طوغا نیلرده ساکن دیمتری و عنکلینک یکدیگری ضرب ایتدیگری ثابت اولدینقندن بر هفته حبس لرینه

قاطمه خانمی ضرب ایدن سلیمانندن ایکی لیرا الیهرق و ضروریه اعطاسنه

شریفه بنت صالحی ضرب ایدن شریفه بنت حسنک اون کون حبسنه

خیری یی ضرب ایدن بلبل دره سنده ساکن فهیمه و عایشه خانمک بر هفته حبس لرینه

املیانی ضرب ایدن نیقولینک برهفته حبسنه

پاندملی یی ضرب ایدن قاضی کوبنده ساکن

عمود و پولیس مأموری حکمت اقدیلرندن برر لیرا الیهرق یا ندملی یه اعطاسنه

یکدیگری ضرب ایدن حسین اغا ایله محمد و مصطفانک بر هفته حبس لرینه

ژاندارمه نظیف افایه اجرای مأموریت حالنده حقارت ایدن قراچندن بر لیرا جزای تقدی آلمسنه

در سعادت ، یک اوغلی و اسکدار بدایت محکمه لری جزا دائره لرجه قرار و برلشدر .

اعلانات

ار ضرور استیناف مدعی عمری بکندنه :

قتل ماده سندن طولانی مظنون بولسانلرندن مصاد قریه لی بدینک و اوغلی حاجی و محرم اوغلی دده و مختار محمد حافظ و محمد اوغلی شکری و معشوق و نیونک اوغلی دیکر شکری و اسعد اغا ک اوغلی اغا و برادری حسین نام اشخاصک ار ضرور استیناف محکمه سی جزا دائره سنده محاکمه لری اجرا قلنمق اوزره جنایتله اتهام لرینه قرار و برلش و کندولرینک حال فرارده بولندقاری اوراق تحقیقیه مندرجاندن اکلا شلمش اولغه مرقومونک هر زده کوریلورلر ایسه دردستلره محکمه مذکورده توقیفخانه سنه تسلیم لرینه بالجله ضابطه عدلیه مأمورلرینک مجبور و مکلف بولندقلری شعر اشبو اخذ و گرفت مذکره سی ار ضرور هیئت اتهامیه سندن بالتنظیم اعطا قلندی .

نجات میره حکم سنده :

اسکدارده چارشو بوشنده میت قیوسنده ۱ نومرولی دکانده ساکن ایکن تجارت بحریه محکمه سندن افلاسیه حکم اولمش اولان استپان خفایانک خصوصات افلاسیه سنک رؤیت و تسویه سی ضمیمنده دعوی وکیلرندن عثمان طلعت بکله غزاروس تعلیمیدیان اقدی اصالة سنیک تعیین قلنمش اولدقلرندن مفلس مرقوم ذمتنده آله جفی اولنلرک قانوننامه تجارتک ۱۹۹ و ۲۰۰ نیجی ماده لری موجبیه تحقیق دیون ایچون تاریخ اعلاندن اعتباراً بکرمی برکون ظرفنده سنداتی محکمه کابینه تسلیم الیملری ومدت مذکورده ختامندن صکره اوج کونده یعنی ۳۲۱ سنه سی کانون تائینسک اون بدینچی صالی واون سکر نیجی چهارشنبه واون طقوز نیجی پنجشنبه کونلرند تجارت بحریه محکمه سنک مصالح افلاسیه رؤیتیه مخصوص اوطه سنه کله رک سنیک اقدیلر مواجهه سنده آله جقلری اثبات وقید و تصدیق ایتدیرملری ومدت مذکورده اثبات وجود ایدمه میان آله جقلر حقتده قانون مذکورک ۲۱۰ نیجی

ماده سه توفيقاً ايفای معامله اوله جنی اعلان اولنور .

قنطار جيلرده حاجی حسين خاننده ۱۱ نومرولی اوطه ده ساکن ايکن تجارت بحريه محکمه سندن افلاسه حکم اولنشی اولان تجارت بوسنجی زاده حاجی حسين حسنی افنديک خصوصات افلاسه سنک رؤيت وتسويه سی ضمتده دعوی وکیللرندن قدری عثمان طلعت بکر ايله باولاکی افندی يادکار اوغلی اصالة سنديک تعيين قلمش اولدقلرندن مفلس مرقوم ذمتده آله جنی اولنلرک قانوننامه تجارتک ۱۹۹ و ۲۰۰ نجی ماده لری موجبجه تحقيق ديون ايجون تاريخ اعلاندن اعتباراً يکرمی برکون طرفنده سنداتی محکمه کاتبه تسليم ايللری ومدت مذکوره ختامندن صکره اوج کونده یعنی ۳۲۱ سنه سی کانون نانيسنک يکرمی التيجی پنجشنبه ويکرمی سکننجی جمعايرتسی و اوتوننجی بازار ايرتسی کونلری تجارت بحريه محکمه سنک مصالح افلاسه رؤيته مخصوص اوطه سنه کله رکن سنديک افنديلر مواجهه سنده آله جقلری اثبات وقيد وتصديق ايديرملری ومدت مذکوره ده اثبات وجود ايده ميان آله جقلولر حقنده قانون مذکورک ۲۱۰ نجی ماده سه توفيقاً ايفای معامله اولنه جنی اعلان اولنور .

انقره تجارت محکمه سنده :

انقره استاسيوننده ذخيره معاملاتيله مشغول بلايق اوغللری اونينک وويچنک ۱۵ کانون اول سنه ۳۲۱ تاريخندن اعتباراً اعلان افلاسلریه و مصالح افلاسه نکر رؤيت وتسويه سی ضمتده اعضای محکمه دن ويچن افنديک زور قوميسر وتجارندن حولاصيان اندون ودعوی وکیللرندن ارمناق افنديلرک موقه سنديک تعيينلریه ودکان ومغازه لریله اقامتگاهلرنده بولنان اشيبای زائده بيتلرینک تمهیرینه و اوراق ودفاترينک جلبنه وکفالت ارانه ايده مدکلری حالده حبس وتوقيفلریه وبوباده کی قرارک موقه اجرا سنه انقره تجارت محکمه سندن قرار وبرلمش اولديغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولنق اوزره بیک اوجوز يکرمی بر سنه سی کانون نانيسنک بشنجی پنجشنبه کونی ساعت يدی راده لرنده اصحاب مطلوبک محکمه نکر قلم اوطه سنه کللری اعلان اولنور .

نيقولاکی کزکزيانک مصالح افلاسه سنک رؤيت وتسويه سی ايجون دعوی وکیللرندن عزتلو جورجی آجيقيان وتجارندن خواجه اميل عيسى دائمی سنديک تعيين قلمش اولدقلرندن مفلس مرقوم ذمتده آله جقلری اولانلرک قانون تجارتک ۱۹۹ و ۲۰۰ نجی ماده لری موجبجه تحقيق ديون ايجون تاريخ اعلاندن اعتباراً سنداتی محکمه کاتبه تسليم ايللری ومدت مذکوره ختامندن صکره اوج کونده یعنی اشبو کانون نانينک بشنجی صالی، چهارشنبه ونجشنبه کونلری ساعت بشدن طقوزه قدر زور قوميسر رفعتلو عمر يموت افنديک جلبده ايک خاننده کانن مغازه سنه کله رکن آله جقلری قيد و اوج کون طرفنده مأمور مومی اليه مواجهه سنده اثبات وتصديق ايديرملری واثبات وجود ايده ميانلر حقنده قانون مذکورک ۲۱۰ نجی ماده سی حکمه توفيق معامله اولنه جنی اعلان اولنور .

حلب مرکز تجارت محکمه سنجه اعلان افلاسه قرار ويريلان حلبک کمرک خاننده مقیمان تجارتدن حاجی احمد عطری وحاجی عمر عطری وحاجی طاهر عقاد وبدستان چارشوسنده مقیمان محمد طراچقی ومحمد سعيد قلعه جينک مصالح افلاسه لرینک رؤيت وتسويه سی ايجون دعوی وکیللرندن سليم حصانی وتجارندن واصحاب مطلوبدن ونس زاده احمد وجورجی شار افنديلرک دائمی سنديک تعيين قلمش اولدقلرندن مفلس مرقومونک ذمتده آله جقلری اولانلرک قانون تجارتک ۱۹۹ و ۲۰۰ نجی ماده لری موجبجه تحقيق ديون ايجون تاريخ اعلاندن اعتباراً سنداتی محکمه کاتبه تسليم ايللری ومدت مذکوره ختامندن صکره اوج کونده یعنی اشبوکانون نانينک بشنجی صالی چهارشنبه ونجشنبه کونلری ساعت بشدن طقوزه قدر زور قوميسر رفعتلو عمر يموت افنديک جلبده ايک خاننده کانن مغازه سنه کله رکن آله جقلری قيد ومأمور مومی اليه مواجهه سنده اثبات وتصديق ايديرملری واثبات وجود ايده ميانلر حقنده قانون مذکورک ۲۱۰ نجی ماده سی حکمه توفيق معامله اولنه جنی اعلان اولنور .

محکمہ تجارت اجراء دائره سنده :

اسکندر وتوفيق برادرلره اولان دين محکومندن طولانی عودجی سليم قضائينک وزنه جيلرده کانن دکان دروننده محجوز بولنان عود ، کان ، نوطه ، دفتر وسائره مثللو اموالنک فروختی تحت قراره آلمش اولمغله بر موجب قرار اموال مذکوره تاريخ

اعلاندن اعتباراً اوج کون صکره یعنی کانون نانينک يدننجی جمعه ايرتسی کون ساعت بشدن يدی به قدر محل مذکوره مأموری مواجهه سنده بالمزايده فروخت ايديله جکندن اشتراسه طالس اولانلرک يوم وقت مذکوره محل مذکوره حاضر بولملری محکمه تجارت اجرا دائره سندن اعلان اولنور .



ازمید سنجانی بابت محکمه سی اجراء دائره سنده :

طائفه اوغلی احمد اغانک قزل اغاج موقعنده درت طرفی صاحب سند اراضیسی ايله محدود برباب خانه وینه موقع مذکوره اطراف اربعه سی صاحب سند اراضیسی ايله محدود برباب کلبه ، قریه دروننده طرفلری طریق ، قدم ، دره وصاحب سند ترلاسی ايله محدود برباب خانه

ملتزم اوخانس کفیللری ارتاکی وزقار اوغلی سرکزک عهده لرنده بولنان کیلاس دره سی موقعنده ایکی طرفی دره ودیگر طرفی طریق وطرف دیگری دکرمان بندی ايله محدود دکرمان یری وملکی وینه موقع مزبورده طرفینی دره ، دکرمان ، وطاساغ ايله محدود ایکی دونم ترلا

پاپاس اوغلی ارتاکی عهده سنده مقید اولان ارنلر التی موقعنده طرفلری شوب اوغلی بقوص ، اوسته آغوب زوجیه سی وطریق ايله محدود بریچق دونم باغچه یری واثماری وطاشلق موقعنده طرفلری خالی طاشلق، جقال اوغلی اوخانس، اوسته آغوب زوجیه سی ودکرمان حرقی ايله محدود بریچق دونم باغچه یری واثماری

ازمید مرکز قضاسنک اوجوز يکرمی برسنه سی اعشار ملتزم لرندن ازمیدک تروته قریه سندن طائفه اوغلی احمد اغا وینه سنه مرقومه ملتزم لرندن ازمیدک یووه جق قریه سندن سرکز اوغلی اوخانس ذمتلرنده ازمید دیون عمومیه اداره سنک آله جنی اولان مبالغ معلومه نکر تأمین استیفاسیچون ملتزم مرقوماندن طائفه اوغلی احمد اغا ايله سرکز اوغلی اوخانسک کفیللری پاپاس اوغلی ارتاکی وزقار اوغلی سرکزک بالاده حدود ومواقی محرر اموال غیر منقوله صر هو نه لری اداره مذکوره طرفندن حجز آلتنه آلتدیغندن مذکور املاک داراضینک تاريخ اعلاندن اعتباراً اون بش کون صکره بالمزايده فروخته تشبث اولنه جنی ازمید سنجانی بدایت محکمه سی اجرا دائره سندن اعلان اولنور .